

Bosna i Hercegovina
FEDERACIJA BOSNE I HERCEGOVINE
KANTONALNO TUŽILAŠTVO
TUZLANSKOG KANTONA
Broj: T03 0 KT 0034357 13
Tuzla, 09.03.2018 godine

PRITVOR

KANTONALNOM SUDU
T u z l a

Na osnovu člana 45 stav 2 tačka i) i člana 241 stav 1 Zakona o krivičnom postupku F BiH, **podizem:**

O P T U Ž N I C U

PROTIV OSUMNJEČENIH

- 1). **MEHIĆ DAMIRA**, zvani "Bibi", sina Ibrahima, rođen 01.12.1976.godine u Rašljanima, Brčko Dristrikt, nastanjen u Tuzli, ranije **osuđivan**,
- 2). **LISIČIĆ AMIR**, zvani „Švabo“, sin Safeta, rođen 15. 08.1981. godine u Banovićima, nastanjen u Banovićima, ranije **osuđivan**
- 3). **MEHIĆ AMIR**, sin Ibrahima, rođen 01.11.1970. godine u mjestu Rašljani Brčko Distrikt, nastanjen u Tuzli, ranije **osuđivan**
- 5). **MEHANOVIĆ MERSED**, sin Fadila, rođen 29.03.1979. godine u Tuzli, gdje je i nastanjen, ranije **osuđivan**
- 4). **RAHMANOVIĆ DENIS**, sin Seada, rođenog 14.06.1985. godine u Tuzli, gdje je i nastanjen, ranije **osuđivan**

ŠTO SU:

A). MEHIĆ DAMIR, LISIČIĆ AMIR, MEHIĆ AMIR, MEHANOVIĆ MERSED i RAHMANOVIĆ DENIS:

1). Dana 22.06.2013. godine oko 20,45 sati, u Tuzli, na platou koji se nalazi između stambene zgrade zv. Titanik i zgrade zv. „Robot“, a ispred kafeterije „Sagittarius“, koja je bila u otvaranju, gdje su kao redari bili angažirani uposlenici Zaštitorske agencije, „Flek“ d.oo. Tuzla (Flek) i nakon što je [REDAKTIRANO], šef fizičke zaštite, obavijestio Mehić Amira, vlasnika Flek-a, da je u tom objektu došlo do verbalnog sukoba između uposlenika Fleka i [REDAKTIRANO], osobe bliske [REDAKTIRANO], te obavijestio da se u bašti tog objekta nalazi [REDAKTIRANO], [REDAKTIRANO] i [REDAKTIRANO], a sa kojim Mehić Damir i Mehić Amir nisu u dobrim odnosima duži period, pa kada su saznali da se tu nalazi i [REDAKTIRANO], **Mehić Damir i Mehić Amir**, zbog ranije netrpeljivosti sa [REDAKTIRANO] i osobama bliskih njemu, *organizirali grupu* od oko petnaest uposlenika „Flek“, među kojima su bili i Mehanović Mersed, Rahmanović Denis i još nekoliko njima poznatih osoba, te njihov prijatelj Lisičić Amir,

te su svi oni, nakon što su kao grupa organizirani, krenuli tako u grupi prema mjestu događaja, pa svjesni i htjeli da sudjeluju u grupi koja je bila višestruko naoružana oružjem cal. 9 x 19 mm, 7,65 mm, pri čemu su svi članovi ove grupe bili svjesni izvjesnosti da usljed njihovog zajedničkog djelovanja neko iz druge grupe može biti usmrćen, ili teško tjelesno ozlijeđen, na što su pristali, jer je i to naknadni rezultat volje koju je nosila ova grupa i pored činjenice da će konkretnim naknadnim radnjama samo nekih od članova grupe uzrokovati usmrćivanje, pokušaj usmrćivanja i teško tjelesno ozlijeđivanje drugoga,

dok su Mehić Damir, Mehić Amir i Lisičić Amir na mjestu ovoga događaja bili svjesni i da će zajedničkim djelovanjem pucanjem iz vatrenog oružja usmrtiti [REDACTED] i [REDACTED], što su i htjeli, pri čemu je u ovome i [REDACTED] zadobio kvalifikovanu tešku tjelesnu ozljedu od metka ispaljenog iz pištolja marke Bereta, model 92 FS cal. 9 mm, od strane svima njima poznate osobe, koja je takođe na mjesto događaja došla kao član ove grupe,

pa su dolazeći iz pravca tržnog centra „Mercator“,

B). MEHIĆ DAMIR, MEHIĆ AMIR i LISIČIĆ AMIR:

2). Mehić Damir, noseći umotanu u maskirno platno vatreno oružje – *automat marke „Heckler“*, model MP 5 cal. 9x19 mm, **Lisičić Amir pištolj marke „Beretu“** model 92 FS call. 9 x 19 mm, a **Mehić Amir pištolj marke „Bereta“** model 70 , call. 7,65 mm, *NN osoba pištolj – nepoznate marke call. 9x19 mm*, dotrčali na plato ispred mjesta gdje su, jedan pored drugog, stajali [REDACTED] i [REDACTED], te su *Mehić Damir, Mehić Amir i Lisičić Amir svjesni da će zajedničkim djelovanjem - pucanjem iz vatrenih oružja, usmrtiti [REDACTED] i [REDACTED], što su i htjeli*, iz tih oružja, dok se na mjestu događaja nalazio veći broj okupljenih građana u povodu otvaranja pomenutog objekta, sa bliske udaljenosti ispalili veći broj metaka u [REDACTED] i [REDACTED], *usljed čega je [REDACTED] zadobio četiri strijelne povrede, tri tipa prostrela i jednu tipa ustrela i to dva prostrela ulaznih otvora postavljenih jedan uz drugi lijevog ramena sa ulaznim otvorima sprijeda, jedna povreda tipa ustrela grudnog koša i jednu povredu tipa prostrela stražnjeg dijela lijevog stopala, a od ustrela grudnog koša je nastupila smrt [REDACTED], dok je [REDACTED] zadobio teške tjelesne ozljede* u vidu strijelne povrede tipa prostrela kroz mekotkivne i mišićne strukture grudnog koša desno, bez prodiranja u grudnu šupljinu, te strijelnu povredu tipa prostrijela u predjelu lakta lijeve ruke sa više komadnim prijelomom unutrašnjeg kondila donjeg okrajka lijeve ramene kosti i lezijom lakatnog nerva praćeno krvarenjem , dok su preostali meci prolazili pored njih i udarali u zgradu „Titanik“, „Sagittarius“ i „Robot“,

- da bi, nakon što je [REDACTED] ranjen ležao na tlu, nekoliko NN osoba iz te grupe mu je prišlo, među kojima je bio i *Rahmanović Denis*, pa je Denis skočio i sjeo na njega, a potom ga je drškom pištolja, koji je držao u ruci , nekoliko puta udario u predjelu glave i lica, dok su ga ostale osobe iz te grupe šutirale nogama i gazili po rukama i tijelu , nanijevši mu tom prilikom lake tjelesne ozljede u vidu nagnječno-razderne rane u stražnjem desnom tjemenom dijelu glave, krvni podliv sa nagnječno – razdernom ranom u donje – vanjskom dijelu čela desno, krvni podliv u desnom jagodičnom predjelu lica, natučenje – uboj sa krvnim podlivom u predjelu piramide nosa lijevo i donjeg kapka lijevog oka, oguljotinu kože u predjelu ispod lijeve koljene čašice na prednjoj strani lijeve potkoljenice, rane – nagnječine na gornjoj strani lijevog stopala i natučenje – uboj u predjelu korijena palca desne šake,

- a za to vrijeme, dok je █████ ležao, prišao mu je Mehić Damir, uperio automat – „Heckler“ Nailu u glavu i kako puška nije opalila, jer u njoj nije bilo više municije, rekao je ostalima „ubijte govno“, i kada je █████ uspio da se otrgne od Rahmanović Denisa koji je sjedio na njemu i krenuo prema Sagitariusu, **Mehić Amir je, u daljnjoj namjeri usmrćivanja █████**, vidjevši da ovaj bježi prema kafeteriji Sagitariusu, iz pištolja „Beretta“ model 70, cal. 7,65 mm ispalio hitac u pravcu █████, dok mu je ovaj bio okrenut leđima, pogodivši ga u lijevu nogu, usljed čega je █████ **zadobio tešku tjelesnu ozljedu u vidu strijelne povrede tipa prostrijela u predjelu lijeve natkoljenice praćeno krvarenjem.**

C). MEHIĆ DAMIR:

3). Dana 22.06.2013.godine oko 20,45, sati u Tuzli, suprotno odredbama člana 10 stav 1 tačka a) Zakona o nabavljanju, držanju i nošenju oružja i municije (Službene novine TK-a broj 11/08), *iako bio svjestan i znao da se radi o vatrenom oružju i municiji čije nabavljanje , držanje i nošenje građanima uopće nije dopušteno, što je i htio*, neovlašćeno nabavio, držao i nosio automatsku pušku marke „HECKLER“, call 9 x 19 mm model MP 5, zajedno sa pripadajućim okvirom za municiju u kojem se nalazilo najmanje 7 komada municije,

4). Dana 07.01.2018.godine, na području općine Pale, na Jahorini, u hotelu „Vučko“ *iako je bio svjestan i znao da se radi o lažnoj javnoj ispravi i da istu nije izdao nadležni organ pa je htijući da istu i upotrijebi, radnici na recepciji „ Hotela“ Vučko , kao gost navedenog hotela*, u cilju potvrde svog identiteta, istu upotrijebio dajući na uvid krivotvorenu ličnu kartu na kojoj je nanačeno da je izdata od strane MUP TK-a Tuzla, dana 06.06.2014.godine pod brojem █████ s rokom važenja do 06.06.2024. godine, na ime █████, rođenog 19.02.1986.godine u Tuzli, JMBG: █████, a na kojoj ličnoj karti se nalazila ne █████ nego njegova fotografija,

5). U vremenskom periodu od 2017. godine do 16.01.2018.godine, na području Kantona Sarajevo kao i na području općine Pale, na Jahorini, u hotelu „Vučko“ u apartmanu broj 304, vlasništvo █████, a koji apartman je on koristio, suprotno odredbama člana 12. stav 2. i člana 14. stav 1. tačka a) Zakona o oružju i municiji („Sl. novine TK-a broj 17/2015“), iako svjestan da je zabranjeno nabavljanje i držanje oružja i municije kategorije „B“ bez odobrenja nadležnog policijskog organa, i bez važeće isprave o oružju, što je i htio, bez odobrenja nadležne policijske uprave prethodno nabavio od █████ iz Tuzle, i kod sebe, bez važeće isprave o oružju i municiji, **neovlašćeno držao pištolj marke „Glock 17“ serijskog broja: █████ call. 9 mm, sa okvirom i 15 komada metaka call. 9x19 mm,**

D). MEHIĆ AMIR:

6). U mjesecu junu 2013. godine u Tuzli, suprotno članu 9 stav 1 Zakona o nabavljanju, držanju i nošenju oružja i municije (Službene novine TK-a br. 11 od 20.12.2008.godine), iako je bio svjestan i znao da se radi o vatrenom oružju i municiji za čije *nabavljanje je potrebno odobrenje policijske uprave* Ministarstva unutrašnjih poslova Tuzlanskog kantona, neovlašćeno nabavio pištolj marke „ Bereta“ model 70 call 7,65 mm sa najmanje sedam komada municije za taj pištolj,

DAKLE:

▪ **Pod tačkom A).1). Mehić Damir, Mehić Amir**, organizirali grupu ljudi kako bi zajedno sa **Lisičić Amirom, Rahmanović Denis i Mehanović Mersed**, sudjelovali u grupi ljudi koja je zajedničkim djelovanjem usmrtila, pokušala usmrtiti i teško tjelesno ozlijedila druge osobe;

▪ **Mehić Damir, Mehić Amir i Lisičić Amir, pod tačkom B).2).**, kao saučinitelji drugoga usmrtili i drugoga pokušali usmrtiti;

▪ **Mehić Damir, pod tačkom C).3).**, neovlašteno držao vatreno oružje čija nabavka, držanje i nošenje građanima uopće nije dozvoljena, **pod tačkom C).4).** lažnu javnu ispravu upotrijebio kao pravu, **a pod tačkom C).5).** bez važeće isprave o oružju nabavio i držao oružje kategorije „B“ i bez važeće isprave o oružju nabavio i držao municiju oružja kategorije „B“;

▪ **Mehić Amir, pod tačkom D).6).**, bez odobrenja nabavio vatreno oružje i municiju.

ČIME SU POČINILI I TO:

I. MEHIĆ DAMIR,

- radnjama opisanim pod tačkom B).2). krivična djela **Ubistvo iz čl. 166 st.1) KZ F BiH, u vezi sa čl. 31, KZ F BiH**, počinjenog na štetu **Džinić Emira, u sticaju sa krivičnim djelom Ubistvo iz čl. 166 st. 1, u vezi sa čl. 28 i 31, KZ F BiH**, počinjeno na štetu **Hodžić Naila**;

- radnjama opisanim pod tačkom A).1). krivično djelo **Sudjelovanje u grupi ljudi koja počini krivično djelo iz člana 341. stav 2. u vezi sa stavom 1. KZ F BiH**,

- radnjama opisanim pod tačkom C).3). krivično djelo **Nedozvoljeno držanje oružja ili eksplozivnih materija iz člana 371 st.1. KZ F BiH**,

- radnjama opisanim pod tačkom C).4). krivično djelo **Krivotvorenje isprave iz čl. 373 st.2 u vezi sa st.1 KZ F BiH**,

- radnjama opisanim pod tačkom C).5). krivično djelo **Neovlašteno nabavljanje, držanje i prodaja oružja i bitnih dijelova za oružje iz čl. 72 st.1 Zakona o oružju i municiji TK , u sticaju sa krivičnim djelom Neovlašteno nabavljanje , držanje i prodaja municije iz čl. 73 st.3 Zakona o oružju i municiji TK / „Sl. novine TK-a broj 17/2015“/**,

a sve u vezi sa članom 54 KZ F BiH;

II. MEHIĆ AMIR,

- radnjama opisanim pod tačkom B).2). krivična djela **Ubistvo iz čl. 166 st.1) KZ F BiH, u vezi sa čl. 31, KZ F BiH**, počinjenog na štetu **Džinić Emira, u sticaju sa krivičnim djelom Ubistvo iz čl. 166 st. 1, u vezi sa čl. 28 i 31, KZ F BiH**, počinjeno na štetu **Hodžić Naila**;

- radnjama opisanim pod tačkom A).1). krivično djelo **Sudjelovanje u grupi ljudi koja počini krivično djelo iz člana 341. stav 2. u vezi sa stavom 1. KZ F BiH**,

- radnjama opisanim pod tačkom D).6). krivično djelo **iz člana 52 stav 1 Zakona o nabavljanju, držanju, i nošenju oružja i municije („ Službene novine TK broj 11/08)**,

a sve u vezi sa članom 54 KZ F BiH;

III. LISIČIĆ AMIR:

- radnjama opisanim pod tačkom B).2). krivična djela Ubistvo iz čl. 166 st.1) KZ F BiH, u vezi sa čl. 31, KZ F BiH, počinjenog na štetu Džinić Emira, u sticaju sa krivičnim djelom Ubistvo iz čl. 166 st. 1, u vezi sa čl. 28 i 31, KZ F BiH, počinjeno na štetu Hodžić Naila;

- radnjama opisanim pod tačkom A).1). krivično djelo Sudjelovanje u grupi ljudi koja počinji krivično djelo iz člana 341. stav 1. KZ F BiH,

a sve u vezi sa članom 54 KZ F BiH;

IV. MEHANOVIĆ MERSED i RAHMANOVIĆ DENIS:

- radnjama opisanim pod tačkom A).1). krivično djelo Sudjelovanje u grupi ljudi koja počinji krivično djelo iz člana 341. stav 1. KZ F BiH,

**Tužilac,
Kenan Balić**